



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

2 NOVEMBER 2021 (SELASA)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

2 NOVEMBER 2021 (SELASA)

Harga kit ujian Covid-19 RM6.90

SEPANG: Paras harga siling baharu bagi kit ujian sendiri Covid-19 yang akan diumumkan dalam masa terdekat, ditentukan dengan mengambil kira pelbagai faktor termasuk kepentingan pengguna dan peniaga.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, ini berikutan ada peniaga yang perlu mengimport kit ujian sendiri tersebut dari negara lain.

"Kita akan turunkan (harga siling) ke satu tahap. Buat masa sekarang tak boleh umum ker-

ana kita perlu meneliti secara menyeluruh supaya adil untuk semua pihak.

"Justeru kita tengok paras (harga siling) boleh letak untuk memastikan pengguna boleh membeli mengikut kehendak dari segi jenama dan kualiti di mana mereka boleh membuat pilihan," katanya pada sidang akhbar di sini semalam.

Beliau berkata demikian pada pelancaran penjualan kit ujian sendiri Covid-19 bawah paras RM10 seunit dan tinjauan pelaksanaan Skim Harga Maksimum Musim perayaan Deepavali 2021 di Gate-

way @ KLIA2.

Mengulas lanjut, beliau berkata, KPDNHEP mengambil maklum harga seunit yang ditawarkan oleh pasar raya dan kedai serbaneka adalah serendah RM6.90.

"Ini tentunya satu berita yang sangat baik pada pengguna pada situasi hari ini. Khusus untuk rangkaian kedai serbaneka KK Supermart, KP-DNHEP mengambil maklum harga jualan seunit kit ujian sendiri Covid-19 ialah RM6.60 dan ia adalah lebih rendah berbanding harga RM6.90," katanya.



Penularan COVID-19

Harga kit ujian kendiri ambil kira semua aspek

Kementerian
pantau, teliti
menyeluruh demi
kepentingan
peniaga, pengguna

Oleh Hafidah Mat Ruzki
fidahruzki@bh.com.my

Sepang: Ada premis runcit di-
dapati menjual kit ujian kendiri
jenis RTK Antigen pada harga
RM6.60 seunit, jauh lebih murah
daripada harga RM10 yang di-
jangka akan diumumkan kera-
jaan.

Menteri Perdagangan Dalam
Negeri dan Hal Ehwal Pengguna,
Datuk Seri Alexander Nanta
Linggi, berkata pihaknya mak-
lum dengan tawaran harga se-
begitu, namun ia tidak bermak-
na harga siling yang akan di-
tentukan nanti serendah itu.

Beliau berkata, pihaknya akan
menentukan paras harga siling
baharu pada masa terdekat, de-
ngan mengambil kira semua as-
pek, termasuk kepentingan peng-
guna dan peniaga.

"Kita akan terus turunkan ke
satu tahap. Pada masa ini, kita
mesti pantau dan teliti secara
menyeluruh supaya kita berlaku
adil kepada semua pihak, peng-
guna dan juga peniaga.

"Kalau kita lihat, kita boleh
tengok di mana paras kita boleh



Nanta Linggi (kanan) melancarkan penjualan kit ujian kendiri RTK Antigen di bawah RM10 seunit dan tinjauan pelaksanaan Skim Harga Maksimum Musim Perayaan Deepavali 2021 di Gateway @ klia2, di Sepang, semalam.
(Foto BERNAMA)

letak dan memastikan pengguna
boleh membeli mengikut kehendak mereka termasuk dari segi jenama," katanya.

Beliau berkata demikian pada sidang media selepas melancarkan penjualan kit ujian kendiri COVID-19 bawah paras RM10 seunit dan tinjauan pelaksanaan Skim Harga Maksimum Musim Perayaan Deepavali 2021 di Gateway @ klia2, di sini, semalam.

Alexander berkata, pihaknya perlu mengambil kira sama ada peniaga perlu mengimport kit itu dari negara berlainan.

Difahamkan, setakat ini, kit ujian COVID-19 kendiri turut diimport dari negara seperti China dan Korea, selain diperoleh daripada pengeluar tempatan.

Sementara itu, beliau berkata, sehingga 28 Oktober lalu, sebanyak 2,570 premis perniagaan kategori pasar raya, rangkaian kedai serbaneka dan stesen minyak diberi kelulusan untuk menjual kit ujian kendiri jenis RTK Antigen.

Daripada jumlah itu, katanya, sejumlah 494 premis berada bawah pengurusan KK Supermart & Superstore Sdn Bhd, termasuk lokasi Gateway @ klia2.

Beliau berkata, selain perluasan lokasi penjualan kit ujian kendiri COVID-19, pihaknya juga menggalakkan peniaga menjualnya pada harga yang lebih kompetitif tanpa perlu merujuk kepada sebarang penentuan paras harga yang baharu.





ALEXENDER (kanan) menunjukkan kit ujian saringan sendiri Covid-19 pada harga promosi RM6.60 di KLIA, Sepang semalam.

Kit saringan sendiri serendah RM6.90

SEPANG – Orang ramai boleh mendapatkan kit ujian sendiri Covid-19 dengan harga serendah RM6.90 seunit di sesetengah pasar raya terpilih termasuk KK Supermart.

Namun, harga siling baharu akan diumumkan dalam masa terdekat dengan mengambil kira pelbagai faktor termasuk kepentingan pengguna dan peniaga.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, ini berikutan ada peniaga yang perlu mengimport kit ujian sendiri tersebut dari negara lain.

"Kita akan turunkan (harga siling) ke satu tahap. Buat masa sekarang tak boleh umum kerana kita perlu meneliti secara menyeluruh supaya adil untuk semua pihak," jelasnya semalam.

Beliau sebelum itu hadir melancarkan kit ujian sendiri Covid-19 dibawah paras RM10 seunit dan tinjauan pelaksanaan Skim Harga Maksimum Deepavali 2021 di Sepang semalam.

Sempena pelancaran pen-



Kita akan turunkan (harga siling) ke satu tahap. Buat masa sekarang tak boleh umum kerana kita perlu meneliti secara menyeluruh supaya adil untuk semua pihak."

jualan kit ujian sendiri Covid-19 itu juga, KK Supermart menawarkan harga serendah RM6.60 seunit untuk semalam berbanding harga biasa RM6.90 seunit.

Mengulas lanjut, Alexander berkata, sehingga 28 Oktober lalu, sejumlah 2,570 premis perniagaan di seluruh negara telah diluluskan untuk menjual kit ujian sendiri Covid-19.

"Selain perluasan lokasi penjualan kit ujian sendiri Covid-19 ini, KPDNHEP amat menggalakkan semua premis perniagaan tersebut menjualnya pada harga lebih kompetitif tanpa perlu merujuk kepada sebarang penentuan paras harga yang baharu," katanya.

HARGA SILING BAHARU KIT UJIAN COVID-19

Ambil kira kepentingan pengguna, golongan peniaga

Selangor: Penentuan harga siling baharu bagi kit ujian Covid-19 sendiri akan mengambil kira semua aspek termasuk kepentingan pengguna dan peniaga.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, ia berikutan kementerian itu perlu mengambil kira sama ada peniaga perlu mengimport kit berkenaan dari negara berlainan.

Difahamkan, setakat ini kit ujian Covid-19 sendiri turut diimport dari negara seperti China dan Korea selain diperoleh dari pengeluar tempatan.

Alexander berkata, pihaknya akan menentukan paras harga siling baharu itu dalam masa terdekat.

"Kita akan terus turunkan (harga) ke satu tahap. Buat

masa sekarang kita mesti pantau dan teliti secara menyeluruh supaya kita berlaku adil kepada semua pihak (pengguna dan peniaga)," katanya pada sidang media selepas melancarkan penjualan kit ujian sendiri Covid-19 bawah paras RM10 seunit dan tinjauan pelaksanaan Skim Harga Maksimum Musim Perayaan Deepavali 2021 di Gateway @ klia2, Sepang di sini, semalam.

Turut hadir, Pengasas dan Pengerusi Eksekutif Kumpulan KK Supermart & Superstore Sdn Bhd, Datuk Seri Dr KK Chai.

Alexander berkata, sehingga 28 Oktober lalu, sebanyak 2,570 premis perniagaan kategori pasar raya, rangkaian kedai serbaneka dan stesen minyak diberi kelulusan untuk menjual kit

ujian sendiri jenis RTK Antigen.

Beliau berkata, biarpun ketika ini, ada premis runcit yang menawarkan harga kit berkenaan pada paras RM6.60, ia tidak bermakna harga siling yang akan ditentukan nanti serendah itu.

Katanya, daripada jumlah itu, sejumlah 494 premis di bawah pengurusan KK Supermart & Superstore Sdn Bhd termasuk lokasi Gateway @ KLIA2.

Beliau berkata, selain daripada perluasan lokasi penjualan kit ujian sendiri Covid-19 ini, pihaknya juga menggalakkan peniaga menjualnya pada harga yang lebih kompetitif tanpa perlu merujuk kepada sebarang penentuan paras harga yang baharu.

"Melalui cara itu, kit ber-



ALEXANDER (dua dari kiri) membuat tinjauan pelaksanaan Skim Harga Maksimum Musim Perayaan sempena Deepavali 2021 di klia2, semalam.

kenaan bukan saja mudah diperolehi, malah harga yang kompetitif juga memberi peluang kepada orang ramai untuk membuat pilihan. Seterusnya harga peranti itu boleh turun ke paras mampu

milik terutama untuk mengekang penularan pada kalangan golongan komorbid, golongan yang tidak tertakluk bawah Program Imunisasi "Covid-19 Kebangsaan (Pick), golongan yang tidak

dapat diberikan vaksin Covid-19 atas faktor kesihatan, dan semua golongan yang dianggap berisiko tinggi untuk dijangkiti dari aspek usia, lokaliti, pekerjaan dan aktiviti seharian," katanya.

Good news for consumers

Covid-19 self-test kits going for as low as RM6.90 per unit

By MAZWIN NIK ANIS
mazwin@thestar.com.my

SEPANG: Covid-19 self-test kits can be obtained for as low as RM6.90 per unit, says Domestic Trade and Consumer Affairs Minister Datuk Seri Alexander Nanta Linggi.

He said the sale of these kits will be expanded to more premises and made available at supermarkets, convenience stores and petrol stations.

"For sure, this is good news as far as consumers are concerned, considering the current situation and the need for self-tests to be carried out," he said at the launch of the sale of Covid-19 self-test kits at KK Super Mart at KLIA2 here yesterday.

Nanta said although his ministry was informed the price of these kits was being offered at RM6.90 per unit, there were outlets such as KK Super Mart that were selling them at RM6.60 per unit.

Prior to this, Covid-19 self-test kits that had received conditional approval from the Medical Device Authority were sold at selected clinics and pharmacies.

The government had set the maximum retail price for the kits at RM19.90 per unit and the wholesale price at RM16 per unit effective Sept 5.



Affordable:
Rania Al Fathunnissha looking at Covid-19 self-test kits priced at RM6.60 after she returned from a holiday in Langkawi. The low price is welcome news, especially for the B40 community. — Bernama

Nanta said the decision to expand the sale of Covid-19 test kits will be beneficial and result in a drop in prices, improve competitiveness in the retail sector and maintain supply.

As at Oct 28, 2,570 business premises nationwide have been given the go-ahead to sell the self-test kits, of which 494 outlets are under the management of KK Supermart &

Superstore Sdn Bhd, he added.

On the new ceiling price of the test kits, he said the matter will be announced soon and that the price will be determined after taking into consideration all aspects, including the interest of consumers and traders.

The existing ceiling price will be lowered to a level which is considered fair to both consumers and

businesses, said Nanta.

"The new ceiling price must also take into account the fact that businesses need to import the kits.

"For consumers, we need to ensure they can purchase the items according to their needs, including brand and quality," he said.

Nanta believes that competition will result in lower pricing of the goods at retail level.

KPDNHEP pantau harga barang kawalan

Libatkan 117 pegawai penguat kuasa dan 59 pegawai pemantau

Oleh RAHAYU MUSTAFA

DUNGUN

Kementerian Perdagangan Dalam Negeri dan Hal Ehwal Pengguna (KPDNHEP) Terengganu menggerakkan seramai 176 anggota bagi menjalankan pemeriksaan dan pemantauan harga barang kawalan sepanjang Skim Harga Maksimum Musim Perayaan (SHMMP) Deepavali.

Pengarahnya, Saharuddin Mohd Kia berkata, ia melibatkan seramai 117 pegawai penguat kuasa dan 59 pegawai pemantau harga yang akan berada di lokasi tumpuan ramai seperti pasar awam, pasar tani dan pasar raya



Saharuddin (kanan) bersama Wan Hapandi (dua dari kanan) melihat harga ayam yang tersenarai dalam SHMMP Deepavali di sebuah pasar raya di Kuala Dungun pada Isnin.

di seluruh negeri ini.

"Pegawai penguat kuasa dan pemantau harga ini bertindak melindungi pengguna dengan memeriksa peniaga-peniaga tidak beretika mengaut untung berlebihan semasa musim perayaan," katanya selepas pelancaran SHMMP Deepavali tahun 2021 di Kuala Dungun di sini pada Isnin.

Pelancaran disempurnakan Timbalan Exco Keusahawanan, Sumber Manusia, Industri Mikro dan Hal Ehwal Pengguna negeri,

Wan Hapandi Wan Nik.

Sementara itu, Saharuddin berkata, pelanggaran etika peniaga turut dipantau oleh Rakan KPDNHEP yang merupakan mata dan telinga Kementerian dengan menyalurkan maklumat mengenai harga barang.

"Mana-mana peniaga yang melakukan kesalahan boleh dikenakan tindakan di bawah Akta Kawalan Harga dan Antipencatutan 2011 kerana menjual barangan harga terkawal melebihi harga maksimum," ujarnya.

Libatkan 922 kes dari
Januari hingga
31 Oktober

Oleh SITI ZUBAIDAH
ZAKARAYA

SUNGAI PETANI

Kementerian Perdagangan Dalam Negeri dan Hal Ehwal Pengguna (KPDNHEP) Kedah mengeluarkan kompaun berjumlah RM128,250 sejak Januari hingga 31 Oktober lalu membabitkan 922 kesalahan.

Exco Penerangan, Komunikasi dan Multimedia, Perdagangan Dalam Negeri dan Hal Ehwal Pengguna, Wan Romani Wan Salim berkata, tindakan yang dikenakan itu membabitkan pelbagai kesalahan.

Beliau berkata, KPDNHEP Kedah turut merampas barangan kes bernilai RM606,529.65 bagi membantu siasatan sepanjang tempoh tersebut.

"Sepanjang tahun ini kita te-

lah membuat pemeriksaan ke atas 67,823 buah premis membabitkan pelbagai lokasi perniagaan termasuk pasar, kedai dan pasar raya," katanya ketika melakukan pemantauan harga hari pertama pelaksanaan Skim Harga Maksimum Musim Perayaan (SHMMP) Deepavali 2021 peringkat negeri Kedah di Mydin Taman Batik di sini pada Isnin.

Hadir sama ialah Ketua Pegawai Penguat Kuasa KPDNHEP Kedah, Mohd Shahrhan Mohd Arshad dan Pengurus Cawangan Mydin Taman Batik, Mohd Fauzi Rashid.

Wan Romani berkata, jumlah aduan yang diterima KPDNHEP Kedah bermula dari 1 Januari hingga 31 Oktober lalu ialah sebanyak 884 kes.

Sementara itu, beliau berkata,



Wan Romani (tiga dari kiri) memantau harga telur ketika hari pertama pelaksanaan SHMMP Deepavali peringkat negeri Kedah di Sungai Petani pada Isnin.

hasil pemantauan mendapati sebanyak 11 jenis barangan yang termasuk dalam pelaksanaan SHMMP bermula 1 hingga 7 November ini didapati terkawal.

Bagi memastikan pematuhan

skim, katanya, kementerian akan mengambil tindakan kompaun serta-merta dengan kadar tiga kali ganda berbanding kadar biasa.

"Tindakan ini sebagai per-

ingatan dan pengajaran kepada peniaga memandangkan tempoh masa pelaksanaan telah dipendekkan dan jumlah barangan dikurangkan berbanding perayaan sebelum ini," kata beliau.

KPDNHEP Kedah keluarkan kompaun RM128,250



KEEPING TABS Domestic Trade and Consumer Affairs Minister Datuk Seri Alexander Nanta Linggi inspecting chilies sold at an outlet in klia2 yesterday in conjunction with the implementation of a price control scheme for Deepavali. - **BERNAMAPIX**

Senarai Harga Barang Keperluan	
• Ayam	RM6.49
• Daging Lembu Tempatan	RM35
• Daging Lembu Import	RM15.50
• Telur Gred A	RM10.90
• Ikan Kembung	RM10.99
• Minyak Masak	RM6.50
• Gula Pasir	RM2.85
• Bawang Besar Holland	RM2.69
• Bawang Putih	RM5.99
• Chili Merah	RM9.90
• Kubis Bulat Tempatan	RM2.99
• Tepung Gandum	RM2.19

*Harga (RM/kg) Sumber: KPDN-HEP



A promotional banner for the 'Kempen Beli Barangan Malaysia' (Buy Malaysian Goods Campaign). The banner features a man and a woman standing inside a large smartphone frame, surrounded by various Malaysian products like coffee, instant noodles, and shoes. The background is a colorful map of Malaysia. The text 'Jom Sokong dan Beli' is written in a large, stylized font. The banner includes the logo of the Ministry of Domestic Trade and Consumer Affairs (KPDNHEP) and the hashtag #barangbaikbarangkita.

KEMENTERIAN PERDAGANGAN DALAM NEGERI
DAN HAL EKNIAL PENGGUNA

KEMPEN BELI
**BARANGAN
MALAYSIA**
#barangbaikbarangkita

*Jom
Sokong
dan
Beli*

www.kpdnhep.gov.my @kpdnhep KPDNHEP TV